

ԿԱՐԳ

ՎԱՂԱՐՇԱՊԱՏ ՀԱՄԱՅՆՔԻ ԿԱՍՏԱՎՈՐ ԽՆԴՐԵՐԸ, ԴՐԱՑ ԼՈՒԾՄԱՆ ՈՒՂՂՎԱԾ ՍԵՓԱԿԱՆ
ԼԻԱԶՈՐՈՒԹՅՈՒՆՆԵՐԸ, ԴՐԱՑ ԻՐԱԿԱՆԱՑՄԱՆ ԵՎ ՍՈՅԻԱԼԱԿԱՆ ԱԶԱԿՅՈՒԹՅԱՆ ՎԵՐԱԲԵՐՅԱԼ
ՉԱՓՈՐՈՇԽԵՐԸ ՍԱՀՄԱՆՈՂ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են Հայաստանի Հանրապետության Արմավիրի մարզի Վաղարշապատ համայնքի (այսուհետ՝ համայնք) կամավոր խնդիրների, դրանց լուծմանն ուղղված տեղական ինքնակառավարման մարմինների սեփական լիազորությունների և դրանց իրականացման կարգի հետ կապված հարաբերությունները:

2. Համայնքի կամավոր խնդիրներն են՝

1) համայնքի սոցիալապես խոցելի բնակչության սոցիալական և առողջական խնդիրները լուծելու համար օգնության տրամադրման կազմակերպումը.

2) Ժամկետային կամ պայմանագրային գինվորական ծառայություն իրականացնելու ժամանակ զոհված կամ հաշմանդամություն ձեռք բերած գինծառայողների կամ նրանց հավասարեցված անձանց /հիմք ՀՀ ՊՆ տեղեկանք/, հաշմանդամների, կերակրողին կորցրած ընտանիքների սոցիալական պայմանների բարելավման աջակցումը.

3) համայնքում մշակույթի և արվեստի զարգացմանն ուղղված նախաձեռնությունների աջակցությունը.

4) համայնքում երիտասարդության դերի բարձրացմանն ուղղված նախաձեռնությունների աջակցությունը.

5) համայնքում սպորտի զարգացմանն ուղղված նախաձեռնությունների աջակցությունը.

6) համայնքում բնակվող հաշմանդամություն ունեցող անձանց հասարակությանն ինտեգրմանն ուղղված նախաձեռնությունների աջակցությունը.

7) համայնքում գրոսաշրջության զարգացմանը նպաստող ծրագրերի իրականացմանն ուղղված նախաձեռնությունների աջակցությունը.

8) բարձրագույն և (կամ) միջին մասնագիտական ուսումնական հաստատություններում, ոչ պետական ուսումնական հաստատություններում (պետական հավատարմագրում ունեցող մասնագիտությունների գծով) սովորող համայնքի սոցիալապես խոցելի ընտանիքների, ինչպես նաև սոցիալապես ոչ խոցելի ընտանիքների՝ բարձր առաջադիմություն ունեցող ուսանողների ուսման վարձի մասնակի հատկացումը.

9) համայնքի տարածքում գործող սոցիալական-հասարակական /բարեգործական/ կազմակերպությաններին օգնության ցուցաբերումը.

10) համայնքի միջնակարգ, հիմնական և ավագ դպրոցներում սովորող աշակերտներին ուսումնական տարվա ընթացքում, ըստ անհրաժեշտության, օգնության ցուցաբերումը:

3. Սույն կարգում թվարկված կամավոր խնդիրները սպառիչ չեն:

4. Համայնքի կամավոր խնդիրների լուծման նպատակով համայնքի տեղական ինքնակառավարման մարմինները իրականացնում են հետևյալ սեփական լիազորությունները՝

1) միջոցներ են ձեռնարկում համայնքի սոցիալապես խոցելի բնակչության սոցիալական և առողջական խնդիրները լուծելու համար օգնության տրամադրման ուղղությամբ,

2) Ժամկետային կամ պայմանագրային գինվորական ծառայություն իրականացնելու ժամանակ զոհված կամ հաշմանդամություն ձեռք բերած գինծառայողների կամ նրանց հավասարեցված անձանց /հիմք ՀՀ ՊՆ տեղեկանք/, հաշմանդամների, կերակրողին կորցրած ընտանիքների սոցիալական պայմանների բարելավման ուղղությամբ,

3) աջակցում են համայնքում մշակույթի և արվեստի զարգացմանն ուղղված նախաձեռնություններին,

4) աջակցում են համայնքում երիտասարդության դերի բարձրացմանն ուղղված նախաձեռնություններին,

5) աջակցում են համայնքում սպորտի զարգացմանն ուղղված նախաձեռնությունների զարգացմանը,

6) աջակցում են համայնքում բնակվող հաշմանդամություն ունեցող անձանց հասարակությանն ինտեգրմանն ուղղված նախաձեռնություններին.

7) աջակցում են համայնքում գրոսաշրջության զարգացմանը նպաստող ծրագրերի իրականացմանն ուղղված նախաձեռնություններին,

9) աջակցություն են ցուցաբերում բարձրագույն և (կամ) միջին մասնագիտական ուսումնական հաստատություններում, ոչ պետական ուսումնական հաստատություններում (պետական հավատարմագրում ունեցող մասնագիտությունների գծով) սովորող համայնքի սոցիալապես խոցելի ընտանիքների, ինչպես նաև սոցիալապես ոչ խոցելի ընտանիքների՝ բարձր առաջադիմություն ունեցող ուսանողների ուսման վարձի վճարման կազմակերպմանը.

9) աջակցություն են ցուցաբերում համայնքի տարածքում գործող սոցիալական-հասարակական /բարեգործական/ կազմակերպությաններին և հիմնարկներին իրենց գործնեության իրականացման մեջ:

4. Համայնքի կամավոր խնդիրների և դրանց լուծման համար սեփական լիազորությունների իրականացման համար համայնքի բյուջեով նախատեսված ֆինանսական միջոցները չեն կարող գերազանցել համայնքի այդ տարվա բյուջեով նախատեսված սեփական եկամուտների 10%-ը:

5. Կամավոր խնդիրների լուծման համար ֆինանսական միջոցների հատկացումը իրականացնում է համայնքի դեկավար՝ անկանխիկ եղանակով, համայնքի բյուջեով նախատեսված հատկացումներին համապատասխան և միայն դրանց համար անհրաժեշտ ֆինանսական միջոցների հատկացման հետևյալ չափորոշիչներով.

1) համայնքի սոցիալապես խոցելի բնակչության սոցիալական և առողջական խնդիրները լուծելու համար յուրաքանչյուր անձին՝ մինչև 150 000 /հարյուր հիսուն հազար/ ՀՀ դրամ, հիմնավորող փաստաթղթերի առկայության դեպքում.

2) Ժամկետային կամ պայմանագրային զինվորական ծառայություն իրականացնելու ժամանակ զոհված զինծառայողների կամ նրանց հավասարեցված անձանց /հիմք ՀՀ ՊՆ տեղեկանք/, հաշմանդամների, կերակրողին կորցրած ընտանիքների երեխաններին տրամադրել համայնքապետարանի ենթակայության տակ գործող ուսումնական/կրթական/ հիմնարկներում ուսման վարձի արտոնություն՝ ըստ համայնքի ավագանու առանձին անհատական ակտով հաստատված չափի.

3) աջակցություն համայնքում մշակույթի և արվեստի զարգացմանն ուղղված նախաձեռնություններին՝ դրանց կարևորության աստիճանից կախված մասնակի կամ ամբողջական փոխհատուցում տրամադրելու միջոցով.

4) աջակցություն համայնքում երիտասարդության դերի բարձրացմանն ուղղված նախաձեռնություններին՝ դրանց կարևորության աստիճանից կախված մասնակի կամ ամբողջական փոխհատուցում տրամադրելու միջոցով.

5) աջակցություն համայնքում սպորտի զարգացմանն ուղղված նախաձեռնություններին՝ դրանց կարևորության աստիճանից կախված մասնակի կամ ամբողջական փոխհատուցում տրամադրելու միջոցով.

5.1) սպորտի բնագավառում Եվրոպայի և աշխարհի առաջնություններում 1-ին մրցանակային տեղ գրավելու համար՝ 300 000 /երեք հարյուր հազար/ ՀՀ դրամ, 2-րդ մրցանակային տեղ գրավելու համար՝ 200 000 /երկու հարյուր հազար/ ՀՀ դրամ և 3-րդ մրցանակային տեղ գրավելու համար՝ 100 000 /հարյուր հազար/ ՀՀ դրամ, հիմնավորող փաստաթղթերի առկայության դեպքում.

5.2) սպորտի բնագավառում Հայաստանի Հանրապետության մեծահասակների առաջնություններում 1-ին, 2-րդ և 3-րդ մրցանակային տեղեր գրաված մարզիկների մարզիկներին՝ մարզիկներին տրվող գումարի 50 տոկոսի չափով, եթե մարզչական գործունեությունը ծավալվում է Վաղարշապատ համայնքում.

5.3) սպորտի բնագավառում Հայաստանի Հանրապետության մեծահասակների առաջնություններում 1-ին տեղը գրավելու համար՝ մինչև 50 000 /հիսուն հազար/ ՀՀ դրամ, հիմնավորող փաստաթղթերի առկայության դեպքում.

6) աջակցություն համայնքում զրոսաշրջության զարգացմանը նպաստող ծրագրերի իրականացմանն ուղղված նախաձեռնություններին՝ դրանց կարևորության աստիճանից կախված մասնակի կամ ամբողջական փոխհատուցում տրամադրելու միջոցով.

7) բարձրագույն և (կամ) միջին մասնագիտական ուսումնական հաստատություններում, ոչ պետական ուսումնական հաստատություններում (պետական հավատարմագրում ունեցող մասնագիտությունների գծով) սովորող համայնքի սոցիալապես խոցելի ընտանիքների, ինչպես նաև սոցիալապես ոչ խոցելի ընտանիքների՝ բարձր առաջադիմություն ունեցող ուսանողների ուսման վարձի մասնակի հատկացում յուրաքանչյուր անձի դեպքում՝ ոչ ավելի քան տարեկան ուսման վարձի մինչև 50%-ի չափով, բայց ոչ ավել քան 200 000 /երկու հարյուր հազար/ ՀՀ դրամ, հիմնավորող փաստաթղթերի առկայության դեպքում.

8) համայնքի տարածքում գործող սոցիալական-հասարակական /բարեգործական/ կազմակերպություններին օգնության ցուցաբերում, հիմնավորող փաստաթղթերի առկայության դեպքում.

9) համայնքի Սասունցի Դավթի թաղամասում և Գարեգին Նժդեհի փողոցում բնակվող դպրոցական երեխաններին անվճար տեղափոխում ավտոբուսով դպրոց և հակառակ ուղղությամբ.

9.1) համայնքի միջնակարգ և հիմնական դպրոցներում սովորող՝ սոցիալապես խոցելի ընտանիքների աշակերտներին ուսումնական տարվան ընդառաջ /1 սեպտեմբերի/ դպրոցական պարագաներ ձեռք բերելու նպատակով դրամական միջոցների հատկացում յուրաքանչյուր երեխայի համար՝ 20 000 /քսան հազար/ ՀՀ դրամի չափով:

6. Այն դեպքերում, եթե համայնքի դեկավարի կողմից կամավոր խնդիրների լուծման համար չի պահանջվում ֆինանսական և գույքային միջոցների հատկացում, համայնքի դեկավարը դրանք իրականացնում է ինքնուրույն և սեփական պատասխանատվությամբ:

7. Կամավոր խնդիրների լուծման իրականացման առաջարկություն կարող են նախաձեռնել համայնքի դեկավարը, համայնքի ավագանու անդամները, խմբակցությունները, բնակչությունները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտներ:

8. Նախաձեռնողը համայնքի ղեկավարի քննարկմանն է ներկայացնում խնդրի լուծման իրականացման վերաբերյալ առաջարկությունը՝ նշելով դրա նպատակը, խնդրի կարգավորման համար անհրաժեշտ ֆինանսական միջոցների չափը և ներկայացնելով առաջարկության անհրաժեշտությունը հավաստող փաստաթղթեր, եթե դրանք առկա են:

9. Համայնքի ղեկավարը դիմումը և սույն կարգի 8-րդ կետում նշված անհրաժեշտ փաստաթղթերը ստանալուց հետո՝

1) կամավոր խնդրի լուծման իրականացմանը համաձայնելու դեպքում 10 /տաս/ օրվա ընթացքում ճշտում է դրանց արժանահավատությունը, հաշվարկում կամավոր խնդրի իրականացման համար գումարի անհրաժեշտ չափը և սույն կարգով նախատեսված չափորոշիչների հետ համապատասխանության դեպքում միանձնյա կայացնում է նախաձեռնությունն ընդունելու կամ մերժելու մասին որոշում, այդ մասին տեղեկացնելով նախաձեռնությն:

2) կամավոր խնդրի լուծման իրականացմանը չհամաձայնելու դեպքում նախաձեռնությին գրավոր տեղեկացնում է այդ մասին՝ նշելով չհամաձայնելու պատճառները, դրա փաստական և իրավական հիմքերը:

10. Եթե կամավոր խնդրի լուծման իրականացման նախաձեռնողը սույն կարգի 8-րդ կետում նշված փաստաթղթերը ներկայացնելուց հետո մեկամսյա ժամկետում համայնքի ղեկավարից չի ստանում կամավոր խնդրի լուծման իրականացմանը չհամաձայնելու մասին գրավոր պատասխան կամ եթե նախաձեռնողը համաձայն չէ կամավոր խնդրի լուծման իրականացմանը համայնքի ղեկավարի չհամաձայնելու մասին հիմնավորումներին, ապա 20-օրյա ժամկետում համայնքի ղեկավարին ներկայացված դիմումի կրկնօրինակը՝ սույն կարգի 8-րդ կետում նշված փաստաթղթերի հետ միասին, իսկ կամավոր խնդրի լուծման իրականացմանը համայնքի ղեկավարի չհամաձայնելու վերաբերյալ գրավոր պատասխանի առկայության դեպքում՝ այդ պատասխանի վերաբերյալ իր առարկությունները, կարող է նոյն դիմումը ներկայացնել համայնքապետարանի աշխատակազմ, որը պարտադիր քննարկվում է ավագանու առաջիկա նիստում:

11. Համայնքի ավագանին սույն կարգի 10-րդ կետով նշված անհրաժեշտ փաստաթղթերը ստանալուց, ինչպես նաև իր նախաձեռնությամբ կամավոր խնդրի լուծման հարցը քննարկելուց հետո ընդունում է որոշում՝ կամավոր խնդրի լուծման իրականացմանը համաձայնություն տալու կամ մերժելու վերաբերյալ:

Համայնքի ավագանու որոշման մեջ նշվում են կամավոր խնդրի իրականացման համար անհրաժեշտ ֆինանսական միջոցի չափը և անհրաժեշտության հիմնավորումը, իսկ կամավոր խնդրի լուծման իրականացումը մերժելու դեպքում՝ մերժելու պատճառները, դրա փաստական և իրավական հիմքերը:

12. Սոցիալական օգնության տրամադրման վերաբերյալ դիմումների ուսումնասիրությունից հետո համայնքապետարանի համապատասխան բաժնի կամ աշխատակցի կողմից տրվում է կամավոր խնդրի լուծման իրականացման համար եզրակացություն՝ նշելով անհրաժեշտ ֆինանսական միջոցի հատկացման չափը և անհրաժեշտությունը:

13. Սոցիալական օգնության տրամադրման վերաբերյալ կամավոր խնդրիների լուծման չափորոշիչներն են՝

1) համայնքի բնակիչ հանդիսանալը.

2) սոցիալապես խոցելի ընտանիք հանդիսանալու վերաբերյալ համայնքապետարանի համապատասխան բաժնի կամ աշխատակցի կողմից սոցիալական օգնության տրամադրման դրական եզրակացությունը.

3) համայնքի ղեկավարի կամ ավագանու անդամի հետ համատեղ տնտեսություն շաբաթը:

14. Նոյն ընտանիքին տարվա ընթացքում սոցիալական օգնություն կարող է հատկացվել առավելագույնը 1 /մեկ/ անգամ: Արգելվում է սոցիալական օգնության հատկացումը համայնքի ղեկավարին, ավագանու անդամներին կամ նրանց մերձավոր ազգականներին:

15. Համայնքի ավագանու կողմից սույն կարգով չկարգավորված կամավոր խնդրիների լուծումների իրականացումը սահմանվում են միայն ավագանու որոշմամբ:

16. Իրականացված կամավոր խնդրիների վերաբերյալ հաշվետվությունը երկու ամիսը մեկ անգամ ներկայացվում է համայնքի ավագանուն: